

Visoki predstavnik zadovoljan odgovorom ministra Matijaševića

Visoki predstavnik je danas primio pismo ministra unutrašnjih poslova RS Darka Matijaševića kao odgovor na pismo upućeno ministru Matijaševiću 21. septembra u kojem je visoki predstavnik zatražio od ministra Matijaševića da pruži objašnjenje o razlozima vezanim za održavanje konferencije za novinare koju je organizirala policija RS 9. septembra na Palama.

Iako visoki predstavnik još uvijek analizira ovaj izvještaj, izjavio je da je u potpunosti zadovoljan odgovorom.

Ministar Matijašević je u svom pismu potvrdio da je «bojazni OHR-a, bojazni vašeg zamjenika Larryja Butlera, te bojazni komesara EUPM-a Cartyja shvatio krajnje ozbiljno». Ministar Matijašević je rekao sljedeće: «moja odgovornost kao ministra unutrašnjih poslova je da osiguram da se informacijama koje dolaze od policije rukuje na profesionalan način. U potpunosti prihvatom činjenicu da su se u ovoj situaciji informacije o potencijalnim počinjenim krivičnim djelima a koje su saopćene na konferenciji za novinare trebale direktno i u povjerenju prenijeti tužiocima. Veoma mi je žao da se to nije desilo»

Visoki predstavnik je izjavio da prihvata uvjeravanja ministra Matijaševića da nisu postajli nikakvi politički motivi iza održavanja ove konferencije za novinare budući da je bilo jasno da je ministar shvatio da se ovaj čin mogao protumačiti kao političko uplitanje od strane Ministarstva unutrašnjih poslova, posebno uzevši u obzir činjenicu da se desio dan prije posljednje runde pregovora o reformi policije.

Visoki predstavnik je izjavio da je uvjeren da će ministar Matijašević ubuduće lično osigurati obavljanje svoje funkcije

uz puno poštivanje profesionalnih policijskih standarda.